



Në bazë të kreut XIII, XVI dhe nenit 64.2 pika (a) dhe (b) të Ligjit nr. 03/L-073 për Zgjedhje të Përgjithshme në Republikën e Kosovës dhe Ligjit nr. 03/L-256 për Ndryshimin dhe Plotësimin e Ligjit nr. 03/l-073 për Zgjedhjet e Përgjithshme në Republikën e Kosovës dhe kreut XIII, XVI dhe nenit 20 Ligjit nr.03/L-072 për Zgjedhjet Lokale në Republikën e Kosovës, Komisioni Qendror i Zgjedhjeve, me datë 02.07.2013, nxjerr:

RREGULLËN ZGJEDHORE Nr. 09/2013
VOTIMI, NUMËRIMI NË VENDVOTIM DHE MENAXHIMI I
QENDRËS SË VOTIMIT

Neni 1
Dispozitat e përgjithshme

Kjo rregull ka për qëllim të rregullojë: procesin e votimit, numërimit brenda vendvotimeve, menaxhimin, sigurimin e vendvotimit, rolin e vëzhgueseve, librin e votimit, materialet e fushatës zgjedhore dhe materialet për informim të votueseve, procedurat para fillimit të vendvotimit, të drejtën e votës, dokumentet e pranueshme të votimit, votimin rregullt, votimin me kusht, kompetencat e menaxherit dhe stafit teknik të Qendrës së votimit, procesin e numërimit të rezultateve deri ne fazën e pranim-dorëzimit të materialit në QNR.

Neni 2
Përkufizimet

- 2.1 **Vendvotim (VV)** - do të thotë një dhomë, sallë ose objekt i ngjashëm për qëllim të votimit në ditën e zgjedhjeve dhe që, po ashtu, përfshinë hapësirën publike me rreze prej 25 metra të hyrjes në ndërtesë në të cilën ndodhet vendvotimi.
- 2.2 **Qendra e Votimit (QV)** - do të thotë ndërtesa ku ndodhen një apo më shumë vendvotime për qëllim të votimit në zgjedhje dhe përfshinë një hapësirë publike brenda rrezes 25 metra nga dera e hyrjes në ndërtesë.
- 2.3 **Qendra e Numërimit dhe e Rezultateve (QNR)** - do të thotë lokacioni ku numërohen fletëvotimet me kusht (FK-të), fletëvotimet jashtë Kosovës dhe çdo fletëvotim i

rregullt siç kerkohet nga Komisioni Qendoror i Zgjedhjeve (KQZ) apo Komisioni Zgjedhor për Ankesa dhe Parashtresa. FPR-të nga secili VV auditohen dhe tabelohen, dhe rezultati përfundimtar përpilohet.

- 2.4 **Formulari i Përputhjes së Rezultateve (FPR)** - do të thotë formulari i miratuar nga KQZ-ja para çdo zgjedhje për qëllim të përputhjes së votave në një vendvotim.
- 2.5 **Vëzhguesi i akredituar** - do të thotë përfaqësuesi i një subjekti të certifikuar politik, organizate joqeveritare, qeveritare ose ndërqeveritare, organizate ndërkombëtare të specializuar dhe të përfshirë në mbrojtjen e të drejtave të njeriut, vendi të huaj, ose media, që ka dorëzuar kërkesën për vëzhgim të zgjedhjeve dhe ka marrë miratimin nga KQZ-ja në pajtim me këtë ligj dhe me rregullat e KQZ-së.
- 2.6 **Votimi i Personave me Nevoja të Veçanta (VPNV)** - do të thotë marrëveshjet e bëra dhe procedurat e ndjekura për ata votues me të drejtë vote në Kosovë të cilët nuk mund të votojnë personalisht në VV-në në të cilën janë caktuar për ditën e zgjedhjeve.
- 2.7 **Me Listën Përfundimtare të Votuesve (LPV)** - nënkuftohet Lista e Votuesve e certifikuar nga KQZ-ja pas përfundimit te procedurave te Shërbimit te Votuesve dhe Konfirmimit dhe Sfidimit te saj.
- 2.8 **Lista Përfundimtare e Votuesve të Vendvotimit (LPV VV)** - do të thotë lista e votuesve të cilët janë caktuar të votojnë në një VV të rregullt, e cila mban nënshkrimet e atyre anëtarëve të cilët kanë hedhur votat e rregullta në atë VV.
- 2.9 **Me Listën e Votuesve me Kusht (LVK)** - nënkuftohet lista e zbrazët e votuesve që do të përdoret në VV-të ku hidhen fletëvotimet me kusht.
- 2.10 **LPV-ja e votuesve** që caktohen në QV-në e njëjtë do të ndahet nëpër VV-të e veçanta me renditje alfabetike sipas mbiemrit. VV-ja nuk duhet të tejkalojë numrin prej 750 votuesve. Përashtimet nga kjo rregull mund të rekomandohen - autorizohen nga Komisioni Qendoror i Zgjedhjeve (KQZ), për t'u shërbyer më mirë interesave të votuesve.
- 2.11 **Vendvotimi i fundit** në çdo QV do të shërbejë si VV për votimin me kusht dhe quhet vendvotimi i dyfishtë (VVD). Në QV-në me një VV, i njëjti VV do të shërbejë dhe për votim me kusht.
- 2.12 Në çdo VV duhet të caktohet një **Këshill i Vendvotimit (KVV)** i cili do të udhëheq dhe mbikëqyr procesin e votimit dhe numërimit. Sipas vendimit të KQZ-së, mund të formohet një KVV i dytë përgjegjës për numërimin e fletëvotimeve. Në këtë rast ekip i parë i KVV-së do të jetë Ekipi i Votimit dhe do të jetë përgjegjës për VV-në gjatë orarit të votimit, dhe ekipi i dytë do të jetë Ekipi Numërimi dhe do të jetë përgjegjës për numërimin e fletëvotimeve pas mbylljes së VV.

- 2.13 **Menaxheri i Qendrës së Votimit** kryen detyra teknike dhe është përgjegjës për organizimin dhe planifikimin e të gjitha aktiviteteve në Qendrën e Votimit jashtë vendvotimeve. Çdo QV duhet të ketë nga një menaxher të QV-së, i cili duhet të sigurojë që QV-ja të jetë e përgatitur për ditën e zgjedhjeve, të sigurojë qasje në QV dhe të ndërlidhet me KKZ-në sa i përket transportimit të materialit të zgjedhjeve për në QV dhe anasjelltas. Menaxheri i QV-së është i autorizuar të pranojë materialin zgjedhor jo senzitiv, është përgjegjës për organizimin dhe planifikimin e të gjitha aktiviteteve në Qendrën e Votimit.
- 2.14 Tavolinat ndihmëse duhet të pajisen nga SKQZ-ja me lista komunale të votuesve që përbajnjë të gjithë personat me të drejtë vote në atë komunë, të klasifikuar sipas alfabetit dhe ku saktësohet VV-ja ku ata janë caktuar.

Neni 3

Lokacionet e Qendrave të Votimit dhe Vendvotimeve

- 3.1 Në bazë të rekomandimit të komisionit komunal të zgjedhjeve (KKZ), KQZ-ja, përmes Sekretariatit të KQZ-së, do të shpall publikisht lokacionin e saktë të të gjitha QV-ve, jo më vonë se dyzet (40) ditë para zgjedhjeve.
- 3.2 Asnjë votues mundësish, nuk duhet të udhëtojë më shumë se 3 km deri në vendvotimin e tij apo të saj.
- 3.3 Ndryshimet pasuese të lokacioneve të QV-ve do të lejohen në rast të *fuqisë madhore* ose për shkaqe të tjera objektive dhe të paparashikuara që do ta bënin një QV të papërshtatshme për qëllime votimi. Sekretariati i KQZ-së duhet që menjëherë ta informojë KQZ-në për këto ndryshime.
- 3.4 Nëse lokacioni i QV-së është ndryshuar, KKZ-ja duhet t'i njoftojë votuesit për atë ndryshim përmes mediave vendore. Përveç kësaj, KKZ-ja do të vendojë një njoftim në lokacionin fillestare të QV-së me të cilin i njofton votuesit për lokacionin e ri të QV-së.
- 3.5 QV-ja ose VV-ja nuk duhet të vendojet në një objekt fetar, ndërtesë që është pronë ose selie ndonjë subjekti politik, ose në objekte në të cilat shërbehet ose konsumohet alkooli.
- 3.6 VV-të do të vendojen në një vend të përshtatshëm për hyrje-dalje, për t'u mundësuar votuesve të krijojnë rresht dhe të qëndrojnë në të, dhe kur është e mundur, vendi për hyrje-dalje të jetë i rrafshët, ashtu që personat me aftësitë kufizuara të mund të hyjnë dhe të dalin në mënyrë të papenguar. VV-të duhet të kenë ndriçim adekuat dhe mbrojtje nga fatkeqësitet elementare.

- 3.7 VV-ja duhet tē jetē mjaft e madhe që tē sigurojë zhvillim tē rregullt tē votimit duke vendosur tē gjitha tavolinat e punës e definuar në këtë rregull dhe duke siguruar fshehtësinë e votimit, shikimin dhe kontrollin e lirë tē kutisë së votimit dhe qasje tē papenguar pér vëzhguesit.
- 3.8. Në VV dhe në QV gjatë ditës së zgjedhjeve mund tē jenë tē pranishëm personat e autorizuar si në vijim:
- a) personat me qëllim tē votimit;
 - b) anëtarët e KVV-së dhe stafi i QV-ve;
 - c) anëtarët e KQZ-së dhe SKQZ-së;
 - d) anëtarët e KKZ-së që veprojnë në komunën e tyre;
 - e) vëzhguesit e akredituar;
 - f) policia, kur thirret pér tē vendosur rregull, dhe
 - g) përkthyesit pér personat e shënuar në pikat (c), (e) dhe (f) tē këtij paragrafi.
- 3.9 Mundësish, në çdo QV duhet tē ketë edhe shabllone me alfabetin e Brajl-it dhe KVV tē trajnuar pér votimin e personave tē verbër tē cilët do t'iu shërbejnë votuesve tē verbër në atë QV.

Neni 4 **Këshilli i vendvotimit**

- 4.1 Në çdo VV duhet tē caktohet një Këshill i Vendvotimit (KVV) i cili do tē udhëheq dhe mbikëqyrë procesin e votimit dhe numërimit në vendvotim gjate ditës se zgjedhjeve.
- 4.2 Kryesuesi i KVV-së është përgjegjës pér tē gjitha aktivitetet në vendvotimin e tij/saj prej procesit tē pranimit e deri sa tē bëhet dorëzimi i materialit tek Zyrtari Komunal i Zgjedhjeve.
- 4.3 Anëtarët e Këshillit tē Vendvotimit - përbërja e Këshillit tē Vendvotimit (KVV) reflekton strukturën e anëtarëve të Komisioneve Komunale të Zgjedhjeve (KKZ). Pér tē funksionuar një ekip i KVV-së duhet tē ketë së paku 5 anëtarë.
- 4.4 KVV- tē udhëhiqen nga Kryesuesi i KVV-së dhe anëtarët e tjerë tē këshillit janë:
- a) kontrolluesi i rreshtit (KRR);
 - b) zyrtari i identifikimit (Zyrtari i ID);
 - c) dhënësi i fletëvotimit (DhF), dhe
 - d) mbikëqyrësi i kutisë së votimit (MKV).

Neni 5

Kriteret e emërimit të anëtarave të KVV-ve dhe kryesuesit

- 5.1 Për tu emëruar anëtar në KVV, një person duhet:
- të jetë votues i regjistruar në të njëjtën komunë ku ndodhet vendvotimi/Qendra e votimit;
 - të ketë aftësi të lexojë dhe shkruaj në gjuhën e cila zyrtarisht përdoret ne atë komunë.
- 5.2 Për tu emëruar kryesues i KVV-së, personi duhet të caktohet anëtar i KVV-së në pajtim me dispozitat e këtij nenit dhe si shtesë duhet të ketë të përfunduar së paku shkollimin e mesëm, dhe
- 5.3 Asnjë person nuk mund të shërbejë si anëtar i KVV-se nëse ai/ajo është:
- kandidat për funksion të zgjedhur në Kosovë;
 - anëtar i cilitdo Kuvend në Kosovë dhe jashtë saj;
 - anëtar i ndonjë KKZ-je, SKQZ-je ose KQZ-je;
 - pjesëtar i Policisë së Kosovës, i ndonjë force policore ose pjesëtar i Forcës se Sigurisë se Kosovës ose pjesëtar i ndonjë shërbimi tjetër ushtarak, të sigurisë ose inteligjencës;
 - shpallur i paaftë mendërisht me një vendim përfundimtar gjyqësor, ose
 - është shpallur fajtor për vepër penale gjatë tri viteve të shkuara me një vendim përfundimtar gjyqësor;
 - është ndaluar me vendim të PZAP-së të jetë pjesë administrative e një organi zgjedhor;
 - është shpallur fajtore për vepër penale gjate tri viteve te shkuara me një vendim.

Neni 6

Përbërja dhe menaxhimi i QV-së

- 6.1 Personeli i Qendrës se Votimit përbëhet nga:
- Menaxheri i Qendrës së Votimit;
 - Asistentët e Qendrës së Votimit;
 - Personeli i tavolinës ndihmëse.
- 6.2 Menaxheri është përgjegjës për organizimin dhe planifikimin e të gjitha aktiviteteve teknike, në Qendrën e Votimit. Bënë pranimin e Pakos se materialeve të QV-së dhe sigurimin e materialeve për votim. Së bashku me stafin teknik bënë sigurimin, orientimin, qarkullimin dhe qasjen e votuesve në QV. Po ashtu raporton edhe tek ZL KKZ lidhur me statistikat e votimeve përkatëse në kuadër të QV-së. Detyrat dhe

përgjegjësitë më të detajizuara të personelit teknik të QV-së, janë të specifikuara në Doracakun e trajnimit mbi Procedurat e votimit dhe numërimit, të miratuar nga KQZ-ja.

6.3 Asistentët e Qendrës të Votimit - çdo QV në përgjithësi do të ketë asistent të Qendrës së votimit të cilët do të drejtojnë votuesit brenda dhe jashtë Qendrës së votimit.

6.4 Detyrat dhe përgjegjësitë e asistentëve të QV-së janë :

- a) Te sigurojnë që shenjat e Qendrës së votimit të janë të paraqitura në vende të dukshme jashtë QV-së;
- b) Te sigurojnë që i gjithë materiali i fushatës brenda QV-së dhe jashtë QV-së në rreze prej 100 metra për rreth QV-së të janë larguar;
- c) Ata duhet të arrijnë herët në orën 5:00 të mëngjesit dhe t'i drejtojnë votuesit të cilët kanë arritur herët në radhë të organizuar apo duke kërkuar nga ta që të presin deri sa te hapet QV-ja;
- d) Ata parandalojnë grumbullimin e turmës në QV. Ndihmojnë lëvizjen brenda dhe jashtë ndërtesës;
- e) Ata ofrojnë ndihmë, kur të jetë e nevojshme, votuesve të cilët kanë nevoja të veçanta siç janë votuesit e moshuar dhe gratë shtatzëna, zyrtarëve të uniformuar të PK-së të cilat janë në detyrë dhe anëtarëve të ekipeve të votimit dhe lejon të kalojnë në krye të radhës.
- f) Ata sigurojnë që QV-ja të jetë e myllur në orën 19:00, vetëm ata të cilët janë në radhë ose në QV mund të votojnë.
- g) Ata duhet te monitorojnë për se afërmimi QV-në. Nëse është formuar radha jashtë, njeri nga asistentët e QV-së duhet te vendoset prapa personit të fundit ne radhë, për te siguruar që asnjë person tjetër të mos bashkëngjitet.
- h) Ata monitorojnë daljen në mënyrë që të gjithë personat që kanë votuar të orientohen ne drejtim te daljes nga ndërtesa.
- i) Ata e njoftojnë menaxherin e QV-së lidhur me çfarëdo incidenti apo problemi të cilët mund të kenë ndonjë ndikim në zhvillimin e operacioneve të QV-së;
- j) Ata pastrojnë dhe rregullojnë objektet një ditë para votimit si dhe pas përfundimit të procesit të numërimit;

- k) Asistentët e Qendrës së votimit duhet të pozicionohen në vendet e duhura brenda Qendrës së votimit.
- 6.5 Tavolina ndihmëse - çdo QV në përgjithësi do të ketë personelin e tavolinës ndihmëse për të ndihmuar votuesit të cilët kanë arritur në Qendrën e gabuar të votimit, të cilët nuk mund të gjinden në Listën përfundimtare të votuesve (LPV), apo mund të mos kenë dokumente të pranueshme të identifikimit. Stafi i tavolinës ndihmëse do t'i referohet Listës së gjerë Komunale të Votuesve në mënyrë që t'i drejtojë votuesit drejt QV-ve së tyre të caktuara. Tavolinat ndihmëse duhet të pajisen nga SKQZ-ja me lista komunale të votuesve që përbajnë të gjithë personat me të drejtë vote në atë komunë, të klasifikuar sipas alfabetit dhe ku saktësohet VV-ja ku ata janë caktuar.

Neni 7

Kriteret e përgjithshme përmes menaxherët dhe stafin e QV-së

- 7.1 Komisioni Qendror i Zgjedhjeve me vendim përcakton mënyrën e caktimit të menaxherëve dhe stafit të QV-së.
- 7.2 Asnjë person nuk mund te shërbejë si menaxher dhe staf i QV-së nëse ai/ajo është:
- a) kandidat përfunksion te zgjedhur ne Kosove;
 - b) në pozitë të lartë publike në pajtim për LZP;
 - c) në pozita të lartë në parti politike;
 - d) pa diplomë universitar;
 - e) anëtar i cilitdo Kuvend ne Kosovë dhe jashtë saj;
 - f) anëtar i ndonjë KKZ-je, SKQZ-je ose KQZ-je;
 - g) pjesëtar i Policisë së Kosovës, i ndonjë force policore, ose pjesëtar i Forcës Sigurisë se Kosovës, ose pjesëtar i ndonjë shërbimi tjetër ushtarak, te sigurisë ose inteligjencës;
 - h) shpallur i paaftë mendërisht me një vendim përfundimtar gjyqësor, ose
 - i) është shpallur fajtor për vepër penale gjate tri viteve te shkuara me një vendim përfundimtar gjyqësor.
 - j) është ndaluar me vendim te PZAP-së të jetë pjesë administrative e një organi zgjedhor;

Neni 8

Përgatitja teknike e Vendvotimit

- 8.1 Të gjithë anëtarët e KVV-së janë përgjegjës për përgatitjen dhe rregullimin e vendvotimit. Kjo detyrë duhet të kryhet një ditë para ditës së zgjedhjeve dhe nuk duhet

ta vonojë hapjen e vendvotimit deri në orën 07.00 të ditës së zgjedhjeve. Asnjë lloj materiali i fushatës së zgjedhjeve nuk lejohet në VV.

8.2 Mënyra e organizimit të VV-së varet nga madhësia dhe forma e dhomës, vendndodhja e dyerve të hyrjes dhe të daljes. Duhet te provohen konfiguracione të ndryshme te funksionimit sa me racional te dhomës së VV-së, për te siguruar qarkullim efikas dhe te lirshëm.

- a) Ulëset duhet të rregullohen në atë mënyrë që anëtarët e KVV-së, vëzhguesit e zgjedhjeve dhe përfaqësuesit e akredituar të mediave të mund ta shikojnë tërë procesin e votimit dhe t'i shohin qartë kutitë e votimit gjatë gjithë kohës;
- b) Kabinet e votimit duhet të vendosen në atë mënyrë që të sigurohet që votuesi të mund të votojë në fshehtësi. Mund të jetë i nevojshëm mbulimi i dritareve.

8.3 Shenjat orientuese ne VV janë si vijon :

- a) Listat alfabetike me të cilat votuesit caktohen në një vendvotim të veçantë (në hyrje të VV-së)
- b) Posterët me Listën e kandidatëve për zgjedhjet për Kuvend Komunal (jashtë VV-së)
- c) Posterët "Si të shënohet fletëvotimi" (Prapa kabinave të votimit dhe jashtë VV-ve)
- d) Broshura e kandidatëve (prapa kabinave të votimit dhe mbi tavolinën e dhënësit të fletëvotimeve)
- e) Shenjat e shigjetave për orientim (brenda VV-së)
- f) Shenjat për "ndalimin e pirjes së duhanit" (jashtë VV-së)
- g) Shenjat për "ndalimin e armëve" (jashtë VV-së)

Neni 9 **Roli i Vëzhguesve**

9.1 Gjithë procesi i hapjes, votimit, përfundimit, dhe procesi i numërimit, me përashtim të shënimit të fletëvotimit nga votuesi, e gjithashtu edhe paketimi dhe dorëzimi i materialit nga VV/QV te KKZ- ja dhe nga KKZ-ja deri në Qendrën e Numërimit dhe Rezultateve nga vëzhguesit e akredituar. Përshkrimi i procesit të akreditimit, për tu bërë

vëzhgues i zgjedhjeve është definuar në rregullën zgjedhore numër 07/2013 për Vëzhguesit e Zgjedhjeve.

- 9.2 Jo më shumë se dy vëzhgues nga organizata e njëjtë e akredituar mund të jenë prezantë në të njëjtën kohë brenda në VV.
- 9.3 Pa marrë parasysh dispozitat e kësaj rregulle, nëse Kryesuesi i KVV-së është i mendimit se numri i vëzhguesve të akredituar të pranishëm brenda në VV-është duke e penguar procesin e votimit ose të numërimit, ai/ajo duhet t'i urdhëroje vëzhguesit e akredituar që të njëjtën kohe mos te ketë me shume se një vëzhgues nga një organizate.

Neni 10
Libri i Votimit

- 10.1 Secili VV ka Librin e Votimit ne te cilin shënohen te gjitha ngjarjet domethënëse ne lidhje me mbarëvajtjen e procesit te votimit dhe numërimit ne vendvotim gjate ditës se zgjedhjeve.
- 10.2 Vetëm Kryesuesi i KVV-së, anëtarët e KVV-së, dhe vëzhguesit e akredituar të pranishëm, lejohet te bëjnë shënimë në librin e votimit. Nëse votuesi ka ankesë në lidhje me ndonjë aktivitet brenda VV-së, ai/ajo mund te kërkojnë nga Kryesuesi i KVV-se regjistrimin e ankesës se tij/saj ne Librin e Votimit apo te dorëzojë një ankesë në Panelin Zgjedhor për Ankesa dhe Parashtresa ne përputhje me procedurat e përcaktuara.
- 10.3 Kryesuesi i VV-së pasi te mbyllët procesi i votimit duhet t'i informojë të gjithë vëzhguesit e akredituar te pranishëm se nëse largohen nga VV-ja para përfundimit te numërimit, atyre nuk ju lejohet kthimi prapë. Çdo VV do të ketë nga një libër të votimit në të cilin do të shënohen informata te rëndësishme përkitazi me zhvillimin e votimit.
- 10.4 Vetëm Kryesuesi i KVV-së, anëtarët e KVV-së dhe vëzhguesit e akredituar do të lejohen të shënojnë vërejtjet e tyre në Librin e Votimit. Nëse votuesi ka ndonjë ankesë përkitazi me aktivitetin në kuadër të VV-së, ai/ajo duhet të kërkojë nga Kryesuesi i KVV-së që në Librin e Votimit ta shënojë ankesën e tij/saj, dhe/ose të dorëzojë ankesë në Panelin Zgjedhor për Ankesa dhe Parashtresa (PZAP), në përputhje nenin 119 të Ligjit për Zgjedhjet e Përgjithshme në Republikë ne Kosovës dhe nenin 28 të Ligjit për Zgjedhjet Lokale në Republikën e Kosovës dhe procedurat e përcaktuara nga PZAP-i.

Neni 11
Siguria në Qendër të Votimit dhe Vendvotim

- 11.1 Kryesuesi i KVV-së, me ndihmën e të gjithë anëtarëve të KVV-ve, duhet të sigurojë qetësi dhe sigurinë procesin e votimit brenda VV-së. Rendi në rresht para VV-së do të mbahet nga një anëtar i KVV-së që caktohet si kontrollues i rreshtit.
- 11.2 Në rast të ndonjë çrregullimi serioz brenda VV-së ose në rrethinën e afërt të saj, kryesuesi i KVV-së duhet të kërkojë ndihmë të menjëherë nga policia. Ky rast duhet të shënohet menjëherë në Librin e Votimit.
- 11.3 Në rast se çrregullimi bëhet kërcënim serioz për integritetin e procesit të votimit ose për njerëzit brenda VV-së, kryesuesi i KVV mund të vendosë ta pezullojë votimin dhe ta mbyllë VV-në derisa të rivendoset rendi. Kryesuesi duhet që menjëherë ta informojë KKZ-në dhe ta shënojë ngjarjen në Librin e Votimit, duke përfshirë kohën gjatë të cilës është pezulluar votimi. Gjate kohës se pezullimit ne VV qëndrojnë anëtaret e KVV dhe vëzhguesit, nëse nuk janë shkaktarë të pezullimit. Kryesuesi dhe anëtarët kujdesen për materialet sensitive .
- 11.4 Asnjë person që bartë armë, nuk do të lejohet brenda në VV, përveç personelit të Policisë së Kosovës që siguron ndihmë për rivendosje të rendit brenda VV-së.
- 11.5 Asnjë person që mban armë ose emblemë nuk lejohet brenda VV-së, përveç Politit te Kosovës në detyrë i cili është në uniformë. Policët e Kosovës në detyrë nuk bënë të sillen brenda VV-se pas hedhjes se votës se tyre.
- 11.6 KQZ-ja miraton Planin Operativ te Sigurisë dhe nënshkruan memorandum bashkëpunimi me Ministrinë e Punëve te Brendshme.

Neni 12
Materiali i fushatës së zgjedhjeve dhe materiali për informim të votuesve në vendvotime dhe në qendra të votimit

- 12.1 Së paku 24 orë para fillimit të votimit, KVV-ja do të largojë çfarëdo materiali të fushatës zgjedhore, nëse ndonjëri është vendosur brenda dhe rrëth cilitdo VV ose QV në rreze prej 100 metrave. Subjektet politike të cilat nuk kanë larguar materialin e fushatës zgjedhore deri 24 orë para fillimit të votimit ose janë gjetur duke postuar materialin e fushatës zgjedhore pas afatit kohor të caktuar, KVV-ja të raportojë në PZAP duke përdorur Formularin e PZAP-it për ankesa, menjëherë pasi që shkelja është paraqitur. KVV-të janë përgjegjëse t'i heqin materialet e fushatës brenda VV-së ndërsa menaxheri se bashku me stafin teknik është përgjegjës për heqjen e materialit

të fushatës në rreze prej 100 m.

- 12.2 Asnjë informatë e fushatës zgjedhore nuk do të transmetohet në asnje pajisje komunikimi në VV apo QV, dhe as në distancë të dëgjueshme. Një veprim i tille do të raportohet nga KVV-ja në PZAP menjëherë pasi që shkelja të jetë bërë.
- 12.3 Çdo materiali i shtypur i zgjedhjeve, i përgatitur nga Sekretariati i KQZ-së në emër të KQZ-së, që ka listuar të gjitha subjektet e certifikuara politike dhe të gjithë kandidatët e certifikuar duhet të ekspozohet nëpër VV-të dhe në derën kryesore të hyrjes të çdo QV-je, për të mirën e votuesve.
- 12.4 Shenjat informuese në ndërtesë duhet të paraqesin qartë numrin e QV-së. Shenjat që i drejtojnë votuesit në VV-në e saktë duhet të ekspozohen në vende të dukshme brenda QV-së. Çdo VV duhet të shënohet qartë me shenja të cilat tregojnë numrin e VV-së dhe shkronjën fillestare të mbiemrit të atyre votuesve nga LPV-ja, që janë të caktuar në atë VV.

Neni 13 **Procedurat para se të fillojë votimi**

- 13.1 Deri në orën 06:00 në ditën e zgjedhjeve, në hapësirat e KKZ-së, kryesuesi i KVV-së dhe njëri nga anëtarët e KVV-së, i cili do të veprojë si zëvendëskryesues gjatë gjithë procesit, do të:
 - a) kontrollojë të gjitha materialet nga KKZ-ja, duke përfshirë LPV-në dhe/ose LVK-në e zbrazët, zarfat e fletëvotimeve me kusht, fletëvotimet, kutitë e votimit, kabinat e votimit, llambën ultravjollce dhe ngjyrën e padukshme, vulën zyrtare të fletëvotimit, ngjyrën, mbushësit e ngjyrës, librin e votimit dhe materialin për zyrë; dhe
 - b) të plotësojë dhe të nënshkruajë formularin e Dorëzim-Pranimit të Materialit, kopja e së cilës është bashkangjitur në Shtojcën I, duke vërtetuar numrin e fletëvotimeve, LPV dhe materialin ekzistues; dhe
 - c) t'i dërgojë materialet e renditura si në pikën (a) të këtij nenit nga KKZ-janë QV nën përcjellje të policisë.
- 13.2 Të gjithë anëtarët e KVV-së duhet të jenë të pranishëm në VV, së paku një orë para (orës 6:00) hapjes së votimit (orës 7:00).
- 13.3 Para hapjes së VV-së, kryesuesi i KVV-së duhet të:
 - a) informojë KKZ-në për cilindo anëtar të KVV-së që mungon dhe të kërkojë

zëvendësim. Nëse mungon kryesuesi, atëherë anëtari i KVV-së që vepron si zëvendës kryesues duhet ta zëvendësojë kryesuesin dhe të kërkojë nga KKZ-ja që të sigurojë zëvendësimin për anëtarin e KVV-së. Një VV do të lejohet të hapet me një numër minimal prej tre (3) anëtarësh të KVV-së;

- b) verifikojë dhe shënojë numrin e gjithmbarshëm të fletëvotimeve të marra në formularin e përputhjes së të dhënave dhe të rezultateve (FPR), që janë të bashkangjitura në këtë Rregull si Shtojcë II;
- c) përgatisë dhe ekspozojë kutinë e zbrazët të votimit në prani të anëtarëve të KVV-ve dhe të cilit do vëzhguesi të akredituar që mund të jetë i pranishëm, pastaj kutinë e votimit ta mbyll me shiritin(at) mbyllës të siguruar për këtë qëllim, dhe të shënojë numrin serik të shiritit(ave) mbyllës të kutisë së votimit në FPR-të.
- d) shënojë në Librin e Votimit emrat dhe numrat personalë të letërnjoftimeve të të gjithë anëtarëve të KVV-së;
- e) shënojë në librin e votimit, emrat, numrat personalë të letërnjoftimeve dhe numrat e akreditimit (distinkтивë të vëzhguesve) të të gjithë vëzhguesve të akredituar të pranishëm dhe t'u rikujtojë atyre obligimet dhe të drejtat e tyre si vëzhgues, dhe
- f) sigurojë se materiali i fushatës është hequr dhe se është vendosur materiali për informim lidhur me votimin, siç përcaktohet në nenin 12.4 të kësaj rregulle.

13.4 Nëse VV-ja hapet me vonesë, kryesuesi i KVV-së duhet që menjëherë ta njoftojë KKZ-në, e cila pastaj do ta informojë Sekretariatin e KQZ-së. Kryesuesi i KVV-së gjithmonë do të shënoj kohën e hapjes së VV-së në Librin e Votimit, e në rastin e vonesës gjithashtu ai/ajo do ta shënojë arsyen e vonesës në Librin e Votimit.

Neni 14 **Orari i votimit**

14.1 Të gjitha VV-të do të hapen në orën 07:00 dhe do të mbyllen në orën 19:00.

14.2 Askush nuk mund të votojë pas kohës së mbylljes së qendrave të votimit, përvèç votuesve të cilët presin në radhë në VV në kohën e mbylljes.

Neni 15
E drejta e Votës dhe Fshehtësia e Votës

15.1 Çdo person ka të drejtë për të votuar në zgjedhje ne përputhje me ketë ligj, nëse i ka mbushur 18 vjet në ditën kur mbahen zgjedhjet dhe plotëson njërin prej kritereve vijuese:

- a) është i regjistruar si qytetar i Kosovës ne Regjistrin Qendror Civil;
- b) banon jashtë Kosovës ose ka lëshuar Kosovën ne apo pas janarit 1998, me kusht qe t'i plotësojë kriteret e parapara sipas ligjit në fuqi për te qenë qytetar i Kosovës, apo
- c) ka fituar statusin e refugjatit, siç është përkufizuar ne Konventën lidhur me Statusin e refugjateve te 28 Korrikut 1951 dhe Protokollin e saj te 16 dhjetorit 1966, në apo pas 1 janarit 1995, dhe ka te drejtë për tu regjistruar ne Regjistrin Qendror Civil si banor i Kosovës;

Votuesi me të drejtë për të votuar ka të drejtë vote nëse ai/ajo është i regjistruar ne Kosovë ose ka aplikuar suksesshëm për votim jashtë Kosovës, siç përcaktohet ne nenet 5 dhe 6 te LZP-së.

- 15.2 Asnjë person nuk duhet ta parandalojë ose të orvatet ta parandalojë një votues me zotësi juridike nga ushtrimi i së drejtës së tij/saj për të votuar.
- 15.3 Asnjë person nuk duhet të lejohet të votojë në emër të një votuesi tjeter, përveç në rastin siç është përcaktuar në nenin 15.5 të kësaj rregulle zgjedhore.
- 15.4 Çdo votues duhet të shënojë fletëvotimin e vet në fshehtësi mbrapa kabinës së votimit. Vetëm një person do të lejohet të qëndrojë pas kabinës së votimit, në çdo kohë, vetëm nëse votuesi ka kërkuar ndihmë nga personi tjeter, siç është përcaktuar në nenin 15.5 të kësaj rregulle zgjedhore.
- 15.5 Votuesit me aftësi të kufizuar në atë mënyrë që ai/ajo nuk është i aftë për ta shënuar fletëvotimin, dhe/ose analfabet mund t'i ofrohet ndihmë për të votuar nga një person tjeter që zgjidhet nga votuesi, nëse ai kërkon një ndihmë të tillë. Personi i tillë duhet t'i ndihmojë vetëm një votuesi dhe nuk duhet të jetë anëtar i KVV-ë ose vëzhgues i akredituar. Ndihma që i jepet votuesit do të merret parasysh vetëm në rrethana të veçanta dhe duhet të monitorohet nga afér nga kryesuesi i KVV ose zëvendësi i tij/saj.
- 15.6 Personi i cili ka pranuar të asistojë votuesin do të shënojë me shkronja të shtypit emrin e tij/saj dhe do të nënshkruaj në Listën Votuese përkatëse, pranë emrit ose hapësirës të votuesit që është asistuar.

- 15.7 Anëtarët e KVV-së nuk mund në asnë mënyrë të ndikojnë në vendimin e votuesit dhe do të kenë kujdes të veçantë të sigurojnë që votuesi nuk do të shqetësohet nga askush gjatë shënimit të fletëvotimit(ve) dhe që fshehtësia e votimit është siguruar plotësisht.
- 15.8 Anëtarët e KVV-së do të shpjegojnë procedurën e votimit vetëm nëse u kërkohet nga votuesit, por do ta drejtojnë votuesin sipas procedurave të votimit për të garantuar një proces efikas të votimit.

Neni 16
Dokumentet e pranueshme të identifikimit

Për qëllime të zgjedhjeve, dokumente të pranueshme për identifikim janë, si vijon:

- (a) dokument i identifikimit (DI) i vlefshëm;
- (b) pasaporta e vlefshëm;
- (c) dokumenti i vlefshëm i udhëtimit;
- (d) leja e vlefshme e vozitjes e Kosovës;
- (e) kartela e vlefshme e PZHBV-së ose
- (f) kartela e vlefshme e refugjatit.

Neni 17
Votimi i rregullt

- 17.1 Njeri nga anëtarët e KVV-së, në brendësi të Vendvotimit, në hyrje do të kontrollojë secilin votues nëse ka njollë të ngjyrës së padukshme në gishtërinjtë. Cilido votues në gishtin e të cilit gjendet njolla e ngjyrës së padukshme, nuk do të lejohet të votojë.
- 17.2 Sapo votuesi të jetë lejuar të hyjë brenda në VV, ai/ajo do të udhëzohet për te anëtarë i caktuar i KVV-së, i cili duhet ta verifikojë identitetin e votuesit - duke i kërkuar atij/asaj që të paraqesë njërin nga dokumentet e pranueshme të identifikimit, siç përcaktohet në nenin 16 të kësaj rregulle zgjedhore. Nëse votuesi nuk mund të paraqesë asnërin nga dokumentet e përcaktuara qartë në nenin 16 të kësaj rregulle zgjedhore, votuesi duhet të informohet se ai/ajo nuk mund të votojë dhe kontrolluesi i rreshtit do ta përcjellë atë jashtë VV-së.
- 17.3 Pastaj kontrollohet se a gjendet emri dhe mbiemri i votuesit në LPV.
- (a) Nëse emri dhe mbiemri i votuesit nuk figuron në LPV, votuesi do të këshillohet që ta vizitojë tavolinën ndihmëse të QV-së për të mësuar se në cilin VV është caktuar të votojë, ndërsa kontrolluesi i rreshtit e përcjellë atë jashtë VV-së; ose

(b) Nëse emri dhe mbiemri i votuesit gjendet në LPV me një shenjë ose shënim që tregon se votuesi duhet të votojë me kusht, atëherë votuesi duhet të votojë vetëm me fletëvotim me kusht dhe do të drejtohet për te VV-ja e dyfishtë.

17.4 Nëse emri dhe mbiemri i votuesit gjendet në LPV, pa një shenjë ose shënim, votuesi duhet të udhëzohet që të nënshkruajë në LPV pranë emrit të tij/saj;

17.5 Pasi që votuesi të nënshkruajë në LPV, atij/asaj duhet t'i spërkatet gishti i djathë tregues, ose cilido gisht tjetër nëse nuk ka gisht tregues, dhe pastaj votuesi pajiset me një fletëvotim të vetëm të vulosur për zgjedhje. Votuesi i cili refuzon që t'i spërkatet gishti me ngjyrë të padukshme ose të nënshkruajë në LPV, nuk do t'i jepet fletëvotimi dhe kontrolluesi i rreshtit do ta përcjellë atë jashtë VV-së. Ky incident duhet të shënohet në Librin e Votimit.

17.6 Pasi që votuesit t'i jetë dhënë fletëvotimi(et), të zgjedhjet (ve) përkatëse, ai/ajo do të udhëzohet të shkojë te njëra nga kabinat e votimit për të shënuar fletëvotimin(et) në fshehtësi.

17.7 Prapa secilës kabinë të votimit gjendet nga një broshurë me emrat e kandidatëve për zgjedhjet e Kuvendit Komunal dhe/ose të zgjedhjeve për Kuvendin e Kosovës. Votuesi mund ta informojë kryesuesin e KVV-së nëse mungon ndonjë broshurë, faqet janë të grisura nga broshura, ose nëse në broshurë ka shënimë të shkruara. Kryesuesi duhet t'ia sigurojë votuesit broshurën e re, kur një gjë e tillë është e përshtatshme.

17.8 Nëse votuesi e ka dëmtuar fletëvotimin e vet, ai/ajo duhet ta dorëzojë fletëvotimin e dëmtuar dhe të kërkojë një fletëvotim të ri të vulosur. Anëtari i KVV-së duhet ta bëjë me shenjë atë fletëvotim, duke shkruar “i dëmtuar” në anën e prapme të tij dhe duhet ta mbajë atë në një zarf të dizajnuar posaçërisht për këtë qëllim.

17.9 Pas shënimit të fletëvotimit, votuesi duhet ta vendosë fletëvotimin në kutinë e votimit, ashtu që të mund të shihet nga mbikëqyrësi i kutisë së votimit dhe pastaj ai/ajo menjëherë largohet nga VV-ja.

17.10 Në çdo VV duhet të ketë një kuti votimi për çdo nivel të zgjedhjeve. Në kutinë e votimit duhet të shënohet qartë Kodi i VV-së për të identifikuar qartë se për cilat zgjedhje janë të përcaktuara. Mbikëqyrësi i kutisë së votimit duhet të sigurojë që votuesit e vendosin vetëm fletëvotimin në kutinë e votimit.

17.11 Mbikëqyrësi i kutisë së votimit nuk duhet ta lejojë asnjë votues që të largohet nga VV-ja pa e vendosur fletëvotimin e pranuar në kutinë(të) e votimit. Refuzimi që të veprohet në përputhje me këtë kërkesë nga votuesi, konsiderohet shkelje e dispozitave

ligjor në zbatim.

17.12 Votimi në të njëjtën zgjedhje më shumë se një here paraqet vepër penale dhe është e dënueshme në pajtim me Kodin Penal të Kosovës.

Neni 18
Votimi me kusht

18.1 Votuesi në Kosovë, emri dhe mbiemri i të cilit nuk mund të gjendet në LPV, ose që emri i tij/saj gjendet në LPV me një shenjë ose shënim që tregon se ai/ajo duhet të votojë me kusht, duhet të lejohet të votojë me kusht në VV-në e dyfishtë, me kusht që identiteti i tij/saj të mund të verifikohet sipas nenit 17 të kësaj rregulle.

18.2 Anëtari i KVV-së, në Listën e Votuesve me kusht (LVK) do të shënojë emrin dhe mbiemrin e votuesit, si dhe njëren nga të dhënat në vijim:

- (a) numrin personal të DI të tij/saj, ose
- (b) datën e tij/saj të lindjes.

18.3 Pas shënimit të të dhënavë personale të votuesit në LVK, anëtari i KVV- së duhet që informatat e njëjta t'i shkruajë në zarfin e fletëvotimit me kusht, ndërkaq votuesi duhet të udhëzohet të nënshkruajë në LVK pranë emrit të tij/saj.

18.4 Pasi që votuesi të ketë nënshkruar në LVK, atij/asaj duhet t'i spërkatet gishti i djathë tregues, ose cilindo gisht tjetër nëse nuk ka gisht tregues, dhe pastaj votuesit do t'i jepet fletëvotimi i vulosur për zgjedhjet përkatëse, gjersa anëtari i KVV- së e mban dokumentin e identifikimit të votuesit dhe zarfin e fshehtësisë. Votuesit i cili refuzon t'i spërkatet gishti me ngjyrë të padukshme ose ta nënshkruajë LVK-në, nuk do t'i jepet fletëvotimi(et) dhe kontrolluesi i rreshtit do ta përcjellë atë jashtë VV-së. Ky rast duhet të shënohet në Librin e Votimit.

18.5 Pasi që votuesit t'i jetë dhënë fletëvotimi, ai/ajo duhet të udhëzohet të shkojë në njëren nga kabinat e votimit për të shënuar fletëvotimin në fshehtësi. Zarfi i plotësuar i fletëvotimit me kusht, zarfin e fshehtësisë dhe dokumenti i identifikimit të votuesit duhet t'i jepen mbikëqyrësit të kutisë së votimit.

18.6 Nëse votuesi e ka dëmtuar fletëvotimin e vet, ai/ajo duhet ta dorëzojë fletëvotimin e dëmtuar dhe të kërkojë fletëvotim të ri të vulosur për zgjedhjet përkatëse. Anëtari i KVV- së duhet ta bëjë me shenjë fletëvotimin e dëmtuar, duke shkruar “i dëmtuar” në anën e prapme të tij dhe duhet ta mbajë atë në një zarf të dizajnuar posaçërisht për këtë qëllim.

18.7 Pas shënimit të fletëvotimit, votuesi në prani të mbikëqyrësit të kutisë së votimit,

e vendos fletëvotimin në një zarf të fshehtësisë dhe i mbyll zarfet. Pastaj votuesi, zarin e fshehtësisë e vendos brenda zarfit të plotësuar të fletëvotimit me kusht, e mbyll dhe e vendos atë në kutinë e votimit të caktuar për zarfet e fletëvotimeve me kusht. Pastaj mbikëqyrësi i kutisë së votimit ia kthen votuesit dokumentin e tij/saj të identifikimit.

Neni 19

Votimi i anëtarëve të Këshillit të Vendvotimit

- 19.1 Anëtarët e KVV-ve dhe kryesuesi votojnë të parët kur hapet vendvotimi. Nëse një anëtar i KVV-së nuk është i regjistruar për të votuar në VV-në ku ai/ajo është duke shërbyer, atëherë anëtar i KVV-së duhet të votojë në VV-në e dyfishtë të vendosur në QV-në e njëjtë. Nëse VV-ja në të cilin anëtar i KVV-së është caktuar të votojë është afër, kryesuesi i KVV-së mund t'ia lejojë anëtarit të KVV- së të largohet nga VV-ja dhe të votojë në mënyrë të rregullt.
- 19.2 Kryesuesi i KVV- së duhet të sigurojë që vetëm një anëtarë i VV të mungojë në të njëjtën kohë për arsyet e votimit nga VV.

Neni 20

Mbyllja e Vendvotimit

- 20.1 Çdo person në rresht në orën e mbylljes së VV-së, lejohet të votojë nëse ka zotësi juridike për të votuar. Kontrolluesi i rreshtit duhet ta informojë personin e fundit në rresht se ai/ajo do të jetë personi i fundit që do të votojë. Çdo person tjetër që i bashkohet rreshtit pas atij personi, nuk do të lejohet të hyjë në VV dhe informohet për pamundësinë e tij/saj për të votuar.
- 20.2 Pasi të votojë personi i fundit në rresht në kohën e përfundimit të votimit, kryesuesi i KVV-së do ta mbylli VV-në, e mbyll vrimën e lartë të kutisë së votimit, me shiritin mbyllës, në atë mënyrë që kjo të mund të shikohet nga vëzhguesit e pranishëm, dhe në Librin e Votimit e shënon kohën e saktë të mbylljes në Librin e Votimit.

Neni 21

Procesi i numërimit në vendvotimet e rregulla

- 21.1 Procedurat e numërimit të fletëvotimeve të rregulla do të udhëhiqen nga qëllimet e paraqitura: saktësia, transparenca, efikasiteti dhe mbrojtja e sigurisë së votës.
- 21.2 Pasi të mbylljet vendvotimi, kryesuesi i KVV-së do të shënojë në Librin e Votimit; emrat, numrat e letërnjoftimeve dhe numrat e akreditimit të të gjithë

vëzhguesve të akredituar e të pranishëm dhe do t'i informoj ata se nëse largohen nga VV-ja para se të përfundohet numërimi, ata nuk do të lejohen të kthehen.

- 21.3 Nëse ekipi i dytë i KVV-së për numërim do të caktohet për procesin e numërimit (nga tash e tutje: Ekipi i Numërimit), në pajtim me nenin 2.12 të kësaj rregulle zgjedhore, atëherë Kryesuesi i Ekipit të Numërimit së bashku me njërin nga anëtarët e ekipit të numërimit duhet të jenë të pranishëm në orën 19:00 në ditën e votimit për të monitoruar mbylljen e VV-së.
- 21.4 Në prani të kryesuesit të Ekipit të Numërimit, anëtarët e KVV (tash e tutje Ekipit të Votimit) duhet të:
- a) llogarisin numrin e votuesve/nënshkrimeve në LPV dhe të shënojnë numrin e gjithmbarshëm në formularin përkatës të FPR-së;
 - b) numërojnë fletëvotimet e mbeturë papërdorura të zgjedhjeve përkatëse dhe të shënojnë numrin e tyre në formularin përkatës të FPR-së;
 - c) numërojnë fletëvotimet e dëmtuara për secilën zgjedhje, të shënojnë numrin e tyre në formularin përkatës të FPR-së dhe t'i vendosin ato prapë në zarin e caktuar për fletëvotime të dëmtuara;
 - d) verifikojnë shiritat mbyllës dhe numrat e tyre serikë në kutinë e votimit dhe se nëse këta numra janë regjistruar si duhet në FPR, dhe nënshkruajnë FPR-të para dorëzimit të gjithë formularëve, materialin dhe kutitë e mbyllura të votimit tek Ekipi i Numërimit, nëse është formuar. Pastaj Ekipi i Votimit do ta lëshojë VV pas dorëzimit. Nëse Ekipi i Numërimit nuk është caktuar, i njëjti Ekip i Votimit do të vazhdojë procesin siç është definuar në vazhdim.
- 21.5 Pas kësaj, anëtarët e KVV-së duhet të përgatiten për numërimin e fletëvotimeve, si vijon:
- a) ndajnë mënjanë fletëvotimet e papërdorura, zarfet me fletëvitime të dëmtuara, vulën zyrtare të fletëvotimit dhe LPV-në;
 - b) vendosin të gjitha materialet shtesë për zyrë në një kontejner, përfshirë këtu lapsat ose markerat që mund të përdoren për shënimin e fletëvotimeve dhe ta vendosin atë mënjanë, dhe
 - c) organizojnë hapësirën e numërimit në atë mënyrë që asnjë material të mos mbetet mbi tavolinë, ose në vendin e caktuar për numërim, përvèç materialeve të nevojshme siç janë letra e bardhë e zbrazët, Libri i Votimit dhe FPR.

- 21.6 KVV-ja duhet t'i heqë shiritat mbyllës dhe të hapë vetëm një kuti të votimit në atë kohë. Nëse gjendet më shumë se një kuti e votimit, atëherë kutia tjetër e votimit duhet të hapet vetëm pas përfundimit të numërimit të të gjitha fletëvotimeve që gjenden në kutinë e hapur të votimit. Rendi i numërimit të fletëvotimeve duhet të jetë i njëjtë në të gjitha VV-të.
- 21.7 Një anëtar i KVV-së e hap kutinë e votimit dhe kthen përmbyss mbi tavolinë, ose në ndonjë vend tjetër të caktuar për numërim dhe i nxjerrë fletëvotimet. Kryesuesi duhet të sigurojë që asnjë fletëvotim të mos mbetet brenda asaj kutie të votimit.
- 21.8 Për zgjedhjet për Kuvendin e Kosovës dhe zgjedhjet për Kuvendet Komunale vota e vlefshme është ajo e cila prezanton qëllimin e qartë të votuesit për subjektin politik për të cilin voton.
- a) Në zgjedhjet për Kuvendin e Kosovës votuesi do të votojë për një (1) subjekt politik të certifikuar dhe mund të votojë deri në pesë (5) kandidatë nga lista anësore e kandidatëve të subjektit politik, në pajtueshmëri me nenin 110 të Ligjit për Zgjedhjet e Përgjithshme. Nëse fletëvotimi është shënuar me më shumë se pesë kandidatë, vetëm vota për subjektin politik do të konsiderohet e vlefshme dhe do të numërohet në përputhje me nenin 110.5 të Ligjit për Zgjedhjet e Përgjithshme.
- b) Në zgjedhjet për Kuvende të Komunave, votuesi do të votojë për një (1) subjekt politik të certifikuar dhe mund të votojë për një (1) kandidat nga lista e kandidatëve nga ky subjekt politik. Vota e hedhur për subjektin politik konsiderohet votë e hedhur për kandidatin e parë nga lista e kandidatëve nga ky subjekt politik. KQZ-ja do të sigurojë që fletëvotimi nuk do t'i lejojë votuesit që në të njëjtën kohë të votojë për Subjektin Politik dhe kandidatin e parë nga lista e kandidatëve nga ky Subjekt Politik në përputhje me nenin 7 të Ligjit për Zgjedhjet e Përgjithshme. Nëse fletëvotimi është shënuar me më shumë se një (1) kandidat, vetëm vota për subjektin politik do të konsiderohet e vlefshme dhe do të numërohet në përputhje me nenin 7.4 të Ligjit për Zgjedhjet Lokale.
- 21.9 Për zgjedhjet për kryetarë të komunave votë e vlefshme konsiderohet atëherë kur votuesi e ka shënuar vetëm një kandidat në fletëvotim e cila prezanton qëllimin e qartë të votuesit.
- 21.10 Fletëvotimi për zgjedhjet për Kuvendin e Kosovës, për Kuvendin Komunal dhe për kryetar të Komunës do të konsiderohet i pavlefshëm, nëse:
- (a) në fletëvotim është shënuar më shumë se një subjekt politik;
- (b) mënyra sesi është shënuar fletëvotimi e bën qëllimin e votuesit të paqartë; ose
- (c) nuk është vulosur me vulën zyrtare të fletëvotimit, kur është nxjerrë nga kutia e

votimit.

Përveç kësaj, fletëvotimi për Kuvendin e Kosovës dhe Kuvendin e Komunës do të konsiderohet i pavlefshëm, nëse:

- (d) votuesi e shënon vetëm kandidatin(ët) dhe jo subjektin politik.

21.11 Një fletëvotim konsiderohet fletëvotim i zbrazët, nëse fletëvotimi nuk është shënuar në kurrfarë mënyre.

21.12 Nëse anëtarët e KVV-së nuk arrijnë të pajtohen lidhur me atë se a është fletëvotimi i vlefshëm, i pavlefshëm ose i zbrazët, atëherë kryesuesi duhet të marr vendimin përfundimtar përkitazi me atë fletëvotim.

21.13 Sipas udhëzimeve të kryesuesit dhe anëtarët e KVV-së, duhet të:

- (a) kthejnë përmbytës të gjitha fletëvotimet e nxjerra nga kutia e votimit dhe t'i numërojnë;
- (b) rinumërojnë fletëvotimet, nëse numri i gjithmbashëm i fletëvotimeve ndryshon nga numri i gjithmbashëm i votuesve/nënshkrimeve në LPV:
 - (i) për më shumë se një (1), nëse numri i gjithmbashëm i nënshkrimeve në LPV është më e vogël ose baraz me njëqind (100); ose
 - (ii) për më shumë se dy (2), nëse numri i gjithmbashëm i nënshkrimeve në LPV është më i madh se 100, por më e vogël ose baras me dyqind (200);
 - (iii) për më shumë se tre (3), nëse numri i gjithmbashëm i nënshkrimeve është më i madh se dyqind (200).
- (c) shënojnë numrin e gjithmbashëm të fletëvotimeve në formularin gjegjës të FPR-së;
- (d) pas numërimit të kënaqshëm të të gjitha fletëvotimeve të hedhura, t'i kthejnë mbarë fletëvotimet dhe t'i numërojnë votat për secilin subjekt politik dhe në FPR-në gjegjës, të shënojnë numrin e gjithmbashëm të fletëvotimeve të vlefshme sipas subjekteve politike, pastaj fletëvotimet e zbrazëta dhe të pavlefshme.

21.14 Pas përfundimit të numërimit të fletëvotimeve të vlefshme që ka fituar secili subjekt politik, anëtarët e ekipoit të KVV-së duhet që sipas udhëzimeve të Kryesuesit:

- (a) t'i numërojnë votat që u janë dhënë kandidatëve të secilit subjekt politik;
- (b) të plotësojnë formularin e rezultateve të kandidatëve (FRK) për zgjedhjet për Kuvendin e Kosovës dhe Kuvendin Komunal, një kopje e të cilisë bashkangjitur si Shtojcë III, duke e plotësuar emrin e subjektit politike, e shënojnë numrin e votave që ka fituar secili kandidat i atij subjekti politik; e plotësojnë FRK për çdo subjekt politik që ka fituar së paku një votë në ato zgjedhje;
- (c) të plotësojnë FPR-në gjegjëse përkitazi me fletëvotimet e vlefshme, të zbrazëta dhe të pavlefshme, si dhe t'i nënshkruajë formularët.

21.15 Pas përfundimit të numërimit të fletëvotimeve për një palë zgjedhjesh, anëtarët e KVV-së duhet t'i paketojë fletëvotimet e numëruara në një thes të tejdukshëm plastik dhe e vendos thesin aty ku mund të shihet nga të gjithë anëtarët e KVV-së dhe vëzhguesit, dhe ia heq shiritat mbyllës dhe e hap kutinë tjetër të votimit sipas rendit të përcaktuar në nenin 22.6 të kësaj rregulle zgjedhore.

21.16 Nëse anëtarët e KVV-së konstatojnë se fletëvotimet në një kuti të caktuar të votimit janë nga zgjedhje të tjera, ato fletëvotime numërohen dhe rezultati shënohet në FPR-në përkatëse.

21.17 Pas përfundimit të numërimit të fletëvotimeve për të gjitha zgjedhjet, anëtarët e KVV-së duhet ti mbyllin me shirit mbyllës plastik të gjitha pakot e fletëvotimeve, një pako për çdo zgjedhje, të shënojë numrin serik të shiritit mbyllës plastik në FPR-në gjegjës, dhe të vendosë nga një thes brenda kutisë së votimit.

21.18 Pastaj anëtarët e KVV-së, duhet t'i paketojnë materialet e mbeturë si dhe formularët e rezultateve te zgjedhjeve dhe t'i përcjellin në KKZ në përputhje me udhëzime nga KKZ-ja, në përputhje me Doracakun e Votimit dhe të Numërimit, si dhe t'i plotësojnë dhe nënshkruajnë FPR-të.

21.19 Kryesuesi i KVV-së do të jetë përgjegjës për përpilimin dhe saktësinë e rezultateve të numëruara, të shënuara në formularin përkatës të rezultateve.

Neni 22

Përputhja e të dhënavë të zarfeve me kusht

22.1 Para procedurave të përcaktuara në nenin 21 të kësaj rregulle zgjedhore, procesi i përputhjes së të dhënavë të fletëvotimeve me kusht duhet të bëhet në VV-të e Dyfishta.

- 22.2 Pas mbylljes së VV-së, KVV-ja duhet të zbatojë procedurat e njëjtë siç përcaktohen në nenin 21 të kësaj rregulle zgjedhore për njehsimin e numrit të emrave të votuesve në LVK dhe përgatitjet që duhet të bëhen para hapjes së kutisë së votimit me zarfe të fletëvotimeve me kusht.
- 22.3 Anëtarë e KVV-ve duhet ta hap kutinë e votimit të caktuar për zarfet e fletëvotimeve me kusht dhe e kthen atë përbys mbi tavolinë, ose në ndonjë vend tjetër të caktuar për numërim. Kryesuesi duhet të sigurojë që asnje zarf i fletëvotimeve me kusht, zarf i pa ngjitur i fshehtësisë ose fletëvotim të mos mbetet brenda kutisë së votimit.
- 22.4 Anëtarë e KVV-ve duhet t'i numërojë ndaras zarfet e pa ngitura të fshehtësisë, nëse gjendet ndonjë në kutinë e votimit, dhe në secilën të shkruaj fjalën “e pavlefshme”.
- 22.5 Sipas udhëzimeve të kryesuesit, anëtarët e KVV-së duhet të:
- numërojnë zarfet e fletëvotimeve me kusht që gjenden në kuti të votimit;
 - rinumërojnë zarfet e fletëvotimeve me kusht nëse numri i gjithmbarshëm i tyre ndryshon prej numrit të gjithmbarshëm të emrave në Listën e votuesve me kusht për më shumë se 1; dhe
 - shëno numrin e gjithmbarshëm të zarfeve të fletëvotimeve me kusht në FPR-të gjegjëse. Shëno numrin e nënshkrimeve të LVK në FPR përkatëse dhe shëno 0410D numrin e zarfeve të pa ngitura të fshehtësisë në Librin e Votimit.
- 22.6 Pas përfundimit të numërimit, anëtarët e KVV-së duhet t'i paketojnë zarfet e numëruara të fletëvotimeve me kusht dhe zarfet e pa ngitura të fshehtësisë në thesin e caktuar dhe ta vendosin atë në vendin ku mund të shihet nga anëtarët e KVV-së dhe vëzhguesit e pranishëm deri në përfundimin e numërimit të fletëvotimeve të rregullta, siç është e definuar në nenin 21 të kësaj rregulle.
- 22.7 Nëse zarfi i fletëvotimeve me kusht ose zarfi i pa ngjitur i fshehtësisë është vendosur gabimisht në një kuti votimi të caktuar për fletëvotime të rregullta, atëherë, në fund të numërimit, zarfet e fletëvotimeve me kusht duhet të numërohen dhe numri i zarfave të fletëvotimeve me kusht do të shënohet në FPR-në përkatëse, dhe Zarfat e Fshehtësisë të pa ngjitur do të numërohen, shpallen jo të vlefshme dhe shënohen në Librin e Votimit siç është caktuar në nenin 22.4 të kësaj rregulle.
- 22.8 Pas përfundimit të numërimit të fletëvotimeve të rregullta, anëtarët e KVV-së do ta paketojnë materialin siç i ka udhëzuar KKZ-ja, dhe në pajtueshmëri me Doracakun e Votimit dhe Numërimit.

Neni 23

Procedurat pas numërimit të fletëvotimeve ose përputhja e të dhënave të zarfeve të fletëvotimeve me kusht

23.1 Pas përfundimit të numërimit të fletëvotimeve dhe përputhjes së të dhënave të zarfeve të fletëvotimeve me kusht, kryesuesi i KVV-së duhet të:

- a) lejojë që vëzhguesit e akredituar të pranishëm të kopojnë informata nga FPR-të dhe të FRK-së pér përdorim të tyre, nëse e kërkojnë një gjë të tillë;
- b) do të vendos rezultatet e procesit të numërimit në QV, dhe
- c) informojë anëtarët e KVV-së se ata lejohen të largohen, por se mund të thirren sërisht nëse nga KKZ-ja kërcohët ri përputhja e te dhënave te materialeve

23.2 Në pajtueshmëri me udhëzimet e KKZ-së, çdo kryesues i KVV-së do ta shoqërojë transportimin e sigurt të fletëvotimeve dhe materialit zgjedhorë nga VV deri te lokacionet e KKZ-së, e aranzhuar ekskluzivisht nga KKZ-ja. Nëse kërcohët, shoqërohet edhe nga një anëtar i opozitës i nivelit përkatës, i zgjedhur me konsensus, ose në mungesë të konsensusit, i zgjedhur me short nga kryesuesi.

23.3 Çdo kryesues i KVV-së duhet t'i dorëzojë materialet nga VV-të e tyre tek KKZ-ja, në pajtueshmëri me udhëzimet e Dorëzim/Pranimit nga KKZ-së. Nëse KKZ-ja identifikon gabimet që lidhen me paketimin ose numërimin e materialeve të ndjeshme, KKZ-ja mund të ndërmarrë çfarëdo mase korrigjuese, përfshirë këtu urdhërimin e paketimit ose të përputhjes së serishme të zarfeve të Fletëvotimeve me Kusht. Asnjë rinumërim i fletëvotimeve të rregullta nuk do të ndermirët në nivelin e KKZ –së. KKZ-ja shënon korrigjimet në formularin e FPR-së ose në dokumente tjera me laps me ngjyrë tjetër që është përdorur nga KVV-ja. Krahas këtyre ndryshimeve KKZ-ja duhet të shënojë numrin e tij/saj të numrit personal të SKQZ-së dhe inicialet e tij/saj.

23.4 Nëse paketimi i serishëm i materialeve është i nevojshëm, KKZ-ja do të mbyllë pakot e reja para kryesuesit të KVV-së dhe do të shënojë numrin(at) e ri të shiritit mbylliës në FPR-të gjegjëse, me laps me ngjyrë tjetër nga ai i cili është përdorë nga KVV-ja. Krahas këtyre ndryshimeve KKZ-ja duhet të shënojë numrin e tij/saj të DI të SKQZ-së dhe inicialet e tij/saj.

23.5 Kryesuesi i KVV-së lejohet të lëshojë hapësirat e KKZ-së, nëse të gjitha procedurat e dorëzimit janë përcjellë dhe anëtari i KKZ-së e informon atë se ai/ajo lejohet të largohet. Kryesuesi i KVV-së i cili largohet para se të marrë lejen do të sanksionohet në pajtim me Rregullën zgjedhore nr. 14/2013 të Sanksioneve dhe Gjobave.

- 23.6 Anëtarët e KKZ-së do të përpilojnë në version elektronik të gjitha rezultatet nga formularët e FPR-së brenda komunës së tyre, dhe do të ja dërgojnë këtë dokument në SKQZ, në pajtim me udhëzimet e dhëna nga Koordinatori i Terrenit të SKQZ-së.

Neni 24

Dorëzimi nga KKZ-të tek Qendra e Numërimit dhe Rezultateve (QNR)

- 24.1 Transportimi i sigurte i materialeve nga KKZ-ja në QNR do të jetë në pajtim me afatet kohore dhe udhëzimet nga SKQZ-ja.
- 24.2 Procedurat e pranimit në QNR siç përcaktohen në rregullën zgjedhore 06/2013 për Qendrën e Numërimit dhe Rezultateve dhe procedurat teknike të QNR-së do të ndiqen.
- 24.3 KKZ-ja i cili e përcjell materialin nga KKZ për në QNR do të lejohet ta lëshojë hapësirën e QNR-së, nëse të gjitha procedurat e dorëzimit janë përcjellë dhe personeli përgjegjës i QNR-së e informon atë se mund të largohet. Anëtari i KKZ-së që largohet para se të marrë lejen do të sanksionohet në bazë të Rregullës zgjedhore nr. 14/2013 mbi financimin e subjekteve politike dhe sanksionet.

Neni 25

Ankesat

- 25.1 Ankesat përkitazi me procesin e votimit dhe numërimit në vendvotime duhet të dorëzohen në PZAP brenda 24 orëve nga mbyllja e vendvotimeve dhe për ato do të vendos PZAP-I Brenda 72 orëve pasi që ankesa është pranuar, në pajtim me nenin 119.1 të Ligjit për Zgjedhjet e Përgjithshme, nenin 28 të Ligjit për Zgjedhjet Lokale dhe Rregullat e Punës së PZAP-it.

- 25.2 Dorëzimi i ankesës nuk do ta ndërpres ose pezullojë procesin e numërimit.

- 25.3 Cilido anëtar i KKV-së i cili ankohet për rezultatet e shënuara në VV mund ta shënojë mendimin e vet mospajtues në Librin e Votimit dhe mund të parashtrojë ankesën në PZAP.

Neni 26

Përsëritja e votimit

- 26.1 Para certifikimit të rezultateve zgjedhore, është në kompetencë të PZAP-it, në raste të jashtëzakonshme të anulojë rezultatet në një vendvotim apo qendër

votimi, dhe ta urdhërojë KQZ-në të përsërisë votimin në një qendër votimi apo vendvotim, nëse konsideron se ka ndikim në rezultatet finale, në përputhje me nenin 120.1 (b) të Ligjit për Zgjedhjet e Përgjithshme dhe nenit 28 të Ligjit për Zgjedhjet Lokale. Në këtë rast të njëjtat rregulla do të aplikohen për përsëritjen e votimit.

Neni 27
Zbatimi

- 27.1 KQZ për zbatimin e kësaj rregulle do te miratojë Doracakun e trajnimeve mbi procedurat e votimit dhe numërimit ne vendvotim.
- 27.2 Për zbatimin e te gjitha këtyre veprimeve Sekretariati i KQZ-së do të organizojë trajnimin e KKZ-se, KVV, stafin e QV-ve, si dhe stafin jo permanent.
- 27.3 KQZ-ja do te përgatite pako informuese për vëzhgues.

Neni 28
Dispozitat kalimtare dhe përfundimtare

- 28.1 Me hyrjen në fuqi të kësaj rregulle, shfuqizohet Rregulla Zgjedhore numër 09/2009 Votimi dhe Numërimi Brenda Vendvotimeve në Nivelin e Komisionit Komunal Zgjedhore, e datës 25.06.2009.
- 28.2 Pjese përbërëse e kësaj rregulle janë edhe shtojcat:

Shtojca – I FPR- Zgjedhjet Parlamentare
Shtojca – II FPR- zgjedhjet për Kuvendin Komunal
Shtojca- III FPR- Zgjedhjet për Kryetar Komune

Neni 29
Hyrja në fuqi

Kjo rregull hyn në fuqi më datë 02.07.2013.

